

Қазақстан Республикасының Үкіметі мен Ресей Федерациясының Үкіметі арасындағы Шекара өкілдерінің қызметі туралы келісімді ратификациялау туралы

Қазақстан Республикасының 2006 жылғы 2 наурыздағы N 129 Заңы

Астанада 2004 жылғы 9 қаңтарда қол қойылған Қазақстан Республикасының Үкіметі мен Ресей Федерациясының Үкіметі арасындағы Шекара өкілдерінің қызметі туралы келісім ратификациялансын.

Қ а з а қ с т а н Р е с п у б л и к а с ы н ы ң

Президенті

Қазақстан Республикасының Үкіметі мен
Ресей Федерациясының Үкіметі арасындағы
Шекара өкілдерінің қызметі туралы

КЕЛІСІМ <*>

*(2006 жылғы 29 наурызда күшіне енді -
Қазақстан Республикасының халықаралық шарттары Бюллетені,
2006 ж., N 3, 27-құжат)*

Бұдан әрі Тараптар деп аталатын Қазақстан Республикасының Үкіметі мен Ресей
Ф е д е р а ц и я с ы н ы ң Ү к і м е т і ,

тату көршілік қатынастарды дамытуға және Қазақстан-Ресей мемлекеттік шекарасының (бұдан әрі - мемлекеттік шекара) режимін қамтамасыз ету жөніндегі ынтымақтастықты қолдауға ұмтыла отырып,

өздерінің мемлекеттік шекараларын күзету жөніндегі шаралар қабылдауда екі тәуелсіз мемлекеттердің ажырамас құқығын мойындай отырып,

Қазақстан Республикасы мен Ресей Федерациясы шекара өкілдерінің шекаралық қақтығыстарының алдын алуына, ал олар туындаған жағдайда - оларды шұғыл тергеуді және реттеуді қамтамасыз етуге қатысу қажеттілігін атап өтіп, мына төмендегілер туралы келісті:

1-бап

Қазақстан Республикасы мен Ресей Федерациясы шекара өкілдері мен шекара өкілдерінің орынбасарлары Тараптар мемлекеттерінің заңнамасына сәйкес тағайындалады. Тараптардың шекара өкілдері мен олардың орынбасарларының тағайындалғаны туралы тегін, атын және әкесінің атын, қызмет ету телімдерін және орналасқан жерлерін көрсете отырып, дипломатиялық арналар бойынша бір-біріне х а б а р л а й д ы .

Шекара өкілдерінің міндеттерін орындаған кезде шекара өкілдерінің орынбасарлары шекара өкілдеріне берілген құқықтар мен міндеттерді иеленеді.

2-бап

Шекара өкілдері өз мемлекеттерінің заңнамасына және Қазақстан Республикасы мен Ресей Федерациясы қатысушылары болып табылатын халықаралық шарттарға, Шекара өкілдерінің қызмет ету телімдері туралы хаттамамен (N 1-қосымша) анықталған Қазақстан-Ресей мемлекеттік шекарасы телімдері шеңберінде, сондай-ақ осы Келісіммен анықталатын өкілеттіктерге сәйкес бір-бірімен бірлесіп өз міндеттерін о р ы н д а й д ы .

Жазбаша өкілеттіктерді (N 2-қосымша):

Қазақстан Республикасының шекара өкілдеріне және олардың орынбасарларына - Қазақстан Республикасының Ұлттық қауіпсіздік комитеті Төрағасының орынбасары - Шекара қызметінің Директоры;

Ресей Федерациясының шекара өкілдеріне және олардың орынбасарларына - Ресей Федерациясының Федералды қауіпсіздік қызметінің Директоры береді.

3-бап

Шекара өкілдерінің қызметін қамтамасыз ету үшін көмекшілер, хатшылар, аудармашылар, қызметтік хат-хабарды қабылдау-беру жөніндегі уәкілеттілер тағайындалады, сарапшылар мен басқа да тұлғалар тартылады.

Шекара өкілдері көмекшілерінің жазбаша өкілеттіктерін, хатшылардың және аудармашылардың куәліктерін, екі жаққа шекарадан бір жолғы өтуге арналған куәліктерді (N 3-5-қосымшалар) шекара өкілдері береді.

4-бап

Шекара өкілдері өз қызметі телімдерінің шегінде: шекаралық қақтығыстар туындауының алдын алу және туындаған жағдайда оларды реттеу жөнінде қажетті шараларды қабылдайды;

Тараптар белгілеген мемлекеттік шекарадан өту ережесінің сақталуын бақылайды және белгіленген тәртіпті бұза отырып, одан өтуді болдырмау жөнінде шаралар қ а б ы л д а й д ы ;

құзыретті мемлекеттік органдармен бірлесіп контрабандаға қарсы күрес жөнінде ш а р а л а р қ а б ы л д а й д ы ;

құзыретті мемлекеттік органдармен бірлесіп, заңсыз көшіп-қонушыларды депортациялау (беру) жөнінде шаралар қабылдайды, соның ішінде үшінші елдерден, егер олардың басқа Тараптары мемлекетінің аумақтарынан шығуына дәлелдемелер бар б о л с а ;

адамдардың мәйіттерін тануға қатысады және қажет болған жағдайда оларды беру жөніндегі ш а р а л а р қ а б ы л д а й д ы ;

табиғатты мемлекеттік басқару мен қорғау уәкілетті органдарымен бірлесіп, мемлекеттік шекарадағы шаруашылық жұмыстары мен өзге де қызметтің өткізілуін жүзеге асырумен, сондай-ақ шекаралық су тоғандарындағы суды пайдалануды б а қ ы л а у д ы қ а м т а м а с ы з е т е д і ;

мемлекеттік шекара арқылы өрттердің, жұқпалы аурулардың, індеттердің және ауыл шаруашылығы зиянкестерінің таралу қаупі туралы бір-біріне уақтылы х а б а р л а й д ы ;

мемлекеттік шекара режимін қамтамасыз етуге байланысты басқа да мәселелерді шешеді.

5-бап

1. Шекара өкілдері бірлескен жұмысты, әдетте, отырыстарды (кездесулерді) өткізу жолымен жүзеге асырады. Шекара өкілдерінің арасындағы уағдаластық бойынша олардың орынбасарлары мен көмекшілерінің кездесулері өткізілуі мүмкін.

2. Шекара өкілдерінің отырысы (кездесуі) олардың біреуінің ұсынысы бойынша өткізіледі. Отырыстың (кездесудің) күн тәртібі, қатысушылардың құрамы, оның өткізілетін орны мен уақыты бір мезгілде ұсынылады.

Жекелеген жағдайларда отырыстарда (кездесулерде) шекара өкілдері арасында өзара уағдаластық бойынша бұрын талқылауға ұсынылмаған мәселелер қаралуы м ү м к і н .

Отырысты (кездесуді) өткізу туралы ұсыныстарға жауапты шекара өкілдері мүмкіндігінше қысқа мерзім ішінде, бірақ осындай ұсынысты қызметтік хат-хабарды қабылдау беру жөніндегі уәкілдер алған сәттен бастап 48 сағаттан кешіктірмей беруі тиіс. Бұл ретте талқылау үшін қосымша мәселелер, сондай-ақ отырысты (кездесуді) өткізетін өзге уақыт пен орын ұсынылуы мүмкін.

3. Шекара өкілі ұсынған отырысқа (кездесуге) Тараптар мемлекеттерінің шекара өкілдері өздері келуі тиіс. Егер бұл мүмкін болмағанда, онда отырысқа (кездесуге) шекара өкілінің орынбасары келеді, ол туралы отырыс (кездесу) басталғанға дейін 24 сағаттан кешіктірмей отырысты (кездесуді) өткізуді ұсынған шекара өкілін хабардар е т е д і .

4. Шекара өкілдерінің отырыстарында (кездесулерінде) олардың орынбасарлары, көмекшілері, хатшылары, аудармашылары және қатысуы қажет болып табылатын адамдар (сарапшылар, куәлер, жәбірленушілер және басқа да адамдар) қатыса алады.

Шекара өкілдері көмекшілерінің кездесулеріне хатшылар мен аудармашылар, ал қажет болған кезде сарапшылар мен басқа да тұлғалар қатыса алады.

5. Жеке кездесулерді талап етпейтін мәселелер хат алмасу немесе байланыстардың техникалық құралдарын пайдалану жолымен шешілуі мүмкін.

6. Шекара өкілдері келісілген мерзімде отырыстарда (кездесулерде) қабылданған шешімдерді орындау жөніндегі шаралар туралы бір-біріне хабарлайды.

6-бап

Шекара өкілдерінің және олардың орынбасарларының жоспарлы отырыстары (кездесулері), әдетте, Қазақстан Республикасы мен Ресей Федерациясы аумақтарында кезекпен, ал жоспардан тыс болатындары оларды өткізуді ұсынған Тараптардың шекара өкілі ұсынған мемлекеттің аумағында өткізіледі.

Шекара өкілдерінің тапсырмасы бойынша шекара өкілдері көмекшілерінің кездесулері өткізіледі. Шекара өкілдері көмекшілерінің қабылдаған шешімдері оларды шекара өкілдері бекіткеннен кейін ғана күшіне енеді. Шекара өкілдерінің көмекшілері келісе алмаған мәселелер шекара өкілдерінің қарауына беріледі.

7-бап

Шекара өкілдері мәжілістерінің (кездесулерінің) қорытындылары бойынша бірлескен хаттама жасалады, онда отырыстың (кездесудің) күн тәртібі, қатысушылардың құрамы, отырыстың (кездесудің) жалпы барысы, қабылданған шешімдер мен оларды орындау мерзімдері көрсетіледі.

Отырыстың (кездесудің) хаттамасы екі данада, әрқайсысы қазақ және орыс тілдерінде жасалады, шекара өкілдерінің немесе оларды алмастыратын адамдардың қолдарымен және елтаңбалық мөрлермен бекітіледі.

8-бап

1. Шекара өкілдері өзара келісім бойынша мемлекеттік шекарада кездесу бекеттерін , сондай-ақ қызметтік хат-хабар алмасу бекеттерін және техникалық байланыс құралдарын пайдалану тәртібін белгілейді. Қызметтік хат-хабар қабылдау-беру жөніндегі уәкілеттілер қызметтік хат-хабарды мемлекеттік шекарада қабылдау мен беруді тәулік бойы жүзеге асырады.

2. Шекара өкілдері Тараптар мемлекеттерінің заңнамасына сәйкес ұсталған адамдарды және олардағы заттарды, сондай-ақ үй жануарларын және адамдардың мәйіттерін беруді ұйымдастырады. Осы рәсімдерді жүзеге асыру орнын, уақытын және тәртібін шекара өкілдері жеке анықтайды.

3. Шекара өкілдері өзара уағдаластық бойынша ұсталған адамдарды, жануарларды, мүліктерді, адамдардың мәйіттерін, қызметтік хат-хабарды қабылдау-беру кезінде, сондай-ақ осы Келісімнің ережелеріне сәйкес басқа да іс-қимыл жасау кезінде ресімделетін актілердің, қолжазбалардың және басқа да құжаттардың үлгілерін белгілейді.

Ұсталған адамдарды, жануарларды, мүліктерді және адамдардың мәйіттерін беруді шекара өкілдері, олардың орынбасарлары немесе көмекшілері жүзеге асырады.

9-бап

1. Шекара өкілдері, олардың орынбасарлары, көмекшілері, хатшылары, аудармашылары мен сарапшылары осы Келісімге сәйкес өз міндеттерін орындау үшін осы мақсатта белгіленген бекеттерде немесе келісілген жерлерде мемлекеттік шекарадан өтеді.

2. Шекара өкілдері, олардың орынбасарлары мен көмекшілері жазбаша өкілеттіктер (N 2 және 3-қосымшалар) негізінде мемлекеттік шекарадан өтеді.

3. Хатшылар мен аудармашылар куәліктері (N 4-қосымша) негізінде мемлекеттік шекарадан өтеді.

4. Сарапшылар және бірлесіп жұмыс істеуге тартылған басқа да адамдар шекараның

екі жағына біржолғы өтуге арналған куәліктердің (N 5-қосымша) негізінде мемлекеттік шекарадан өтеді.

5. Шекара өкілдерінің, олардың орынбасарлары мен көмекшілерінің өкілеттіктерін, хатшылар мен аудармашылардың куәліктерін растауды шекара өкілі отырыстарда (кездесулерде) жүзеге асырылады.

6. Шекарадан өтуге құқық беретін құжаттарды жоғалтқан жағдайда, осы Келісімге сәйкес олардың иелері бұл туралы шұғыл өз мемлекетінің шекара өкіліне дереу хабарлауы тиіс, ол жоғалған құжаттың күшін жояды және басқа Тарап мемлекетінің шекара өкілін болған жағдай туралы хабарлайды.

10-бап

1. Шекара өкілдеріне, олардың орынбасарларына, көмекшілеріне, хатшыларға, аудармашылар мен сарапшыларға осы Келісімге сәйкес басқа Тарап мемлекетінің аумағындағы өз міндеттерін атқарған кезде олардың жеке басына қол сұғылмаушылығына, сондай-ақ олардың өздеріне жүктелген міндеттерді орындауына қажетті құжаттары мен мүліктеріне қол сұғылмайтындығына кепілдік беріледі.

Аталған лауазымды адамдар белгіленген нысандағы киімді киіп, баж төлемінсіз және басқа да салықтар мен алымдар салынбайтын жеке пайдалануы және жұмыс істеу үшін қажетті заттарды, азық-түлік тағамдарын, темекі бұйымдары және дәрі-дәрмектерді басқа Тарап мемлекетінің аумағына алып жүре алады.

2. Әр Тарап осы Келісімді өз мемлекетінің аумағында орындалуына байланысты шығыстарды көтереді, бұл ретте отырыстарды (кездесулерді) өткізу жөніндегі шығыстарды аталмыш шараларды өз мемлекеті аумағында өткізетін Тарап көтереді.

11-бап

Ш е к а р а ө к і л д е р і :

мемлекеттік шекараны заңсыз кесіп өту фактілері туралы;
шекара арқылы адамдарды заңсыз тасымалдаумен және контрабандамен айналысатын адамдардың әрекеттері туралы;
мемлекеттік шекараның маңында адамдардың немесе жануарлардың қауіпті жұқпалы ауруларының туындауы, сондай-ақ ауыл шаруашылығы мен орман зиянкестерінің жаппай таралуы туралы, өрттер мен су тасқындары туралы;
әрбір Тарап мемлекетінің қауіпсіздігіне және мүдделеріне нұқсан келтіруі мүмкін ықтимал іс-әрекеттер туралы, сондай-ақ шекаралық қақтығыстардың алдын алу жөнінде қабылданған шаралар туралы;
мемлекеттік шекара режимін қамтамасыз етуге ықпал ететін басқа да мәселелер бойынша ақпараттармен алмасады.

12-бап

Шекара өкілі шекаралық қақтығыстарды болдырмау жөніндегі ынтымақтастықты жүзеге асырады, соның ішінде:
мемлекеттік шекара арқылы адамдарға және басқа Тарап мемлекетінің аумағына

қарай атыс жүргізуге, соның ішінде адамдардың қаза болуына немесе жарақат алуына, мүліктердің бүлінуіне және басқа да ауыр зардаптарға әкеп соқтыратын жағдайлар;
мемлекеттік шекарадан адамдардың және көлік құралдарының заңсыз өтуіне;
мемлекеттік шекараны жүзу құралдарымен және ұшу аппараттарымен бұзуға;
мемлекеттік шекара арқылы контрабандаларды алып өтуге;
Тараптар мемлекеттерінің шекара қызметтері лауазымды адамдарының өз қызметтік міндеттерін орындау кезінде мемлекеттік шекарадан абайсыз өтуіне;
табиғат апаты немесе өзге де мән-жайлар салдарынан басқа Тарап мемлекетінің аумағында пайда болған мүліктің табылуына;
шекара белгілері мен басқа да шекара құрылғыларын өз бетімен немесе кездейсоқ жылжытуға, бүлдіруге немесе қиратуға;
үй жануарларының мемлекеттік шекара арқылы өтуіне;
мемлекеттік шекара арқылы өрттің тарауына;
Тарап мемлекеттерінің мүдделеріне нұқсан келтіретін, бірақ дипломатиялық арналар бойынша шешуді талап етпейтін мемлекеттік шекара режимін өзге де бұзушыларға тергеу жүргізеді және оларды реттейді.

13-бап

1. Осы Келісімнің 12-бабында көрсетілген шекаралық қақтығыстардың мән-жайларын анықтауды шекара өкілдері келісілген тәртіппен жүргізеді. Шекаралық қақтығыстарды бірлесіп тексеру шекаралық қақтығыс болған мемлекет аумағындағы Тараптың шекара өкілінің басшылығымен жүзеге асырылады.

2. Шекаралық қақтығыстарды бірлесіп тексерудің нәтижелері бойынша акт, ал қажет болғанда басқа да құжаттар жасалады.

3. Шекара өкілдері осы Келісім бойынша өздеріне берілген өкілеттілер аясында, басқа Тарап мемлекетінің аумағына өткен үй жануарларын және мүлікті қайтару мәселелерін шешеді.

4. Шекаралық қақтығыстарды бірлесіп тексеру құқық қорғау органдарының құзыретіне жатқызылған іс-әрекеттерді алмастырмайды.

5. Шекара өкілдері шекаралық қақтығыстарды реттеуде келісімге қол жеткізе алмаса, ол дипломатиялық арналар бойынша шешіледі.

14-бап

№ 1-5-қосымшалар осы Келісімнің ажырамас бөліктері болып табылады.

15-бап

Осы Келісімнің ережелерін түсіндіру және қолдану жөнінде даулар туындаған жағдайда Тараптар оларды келіссөздер және консультациялар жолымен шешеді.

16-бап

Осы Келісім Қазақстан Республикасы мен Ресей Федерациясы қатысушылары болып табылатын басқа да халықаралық шарттардан туындайтын Тараптардың құқықтары мен міндеттемелерін қозғамайды.

Осы Келісімге Тараптардың өзара келісімі бойынша өзгерістер енгізілуі мүмкін, олар осы Келісімнің ажырамас бөлігі болып табылатын және осы Келісімнің 17-бабына сәйкес күшіне енетін жекелеген хаттамалармен ресімделеді.

17-бап

Осы Келісім бес жыл мерзімге жасалады және оның күшіне енуі үшін қажетті мемлекет ішіндегі рәсімдерді Тараптардың орындағаны туралы соңғы жазбаша хабарлама алынған күннен бастап күшіне енеді.

Егер Тараптардың бірде-бірі басқа Тарапқа Келісімнің қолдану мерзімі өткенге дейін алты ай қалғанда оның қолданылуын тоқтату жөніндегі өз ниеті туралы жазбаша хабарламаса, оның қолданысы автоматты келесі бес жылдық кезеңге ұзартылады.

2004 жылғы 9 қаңтарда Астана қаласында әрқайсысы қазақ және орыс тілдерінде екі данада жасалды және екі мәтіннің де күші бірдей.

Қазақстан Республикасының

Ресей Федерациясының

Үкіметі үшін

Үкіметі үшін

Қазақстан Республикасының Үкіметі
мен Ресей Федерациясының Үкіметі
арасындағы Шекара өкілдерінің
қызметі туралы келісімге
N 1-қосымша

Шекара өкілдерінің қызмет ету телімдері туралы ХАТТАМА

Шекара өкілдерінің қызмет ету телімдері былайша белгіленеді:

Қазақстан Республикасы тарапынан:

Атырау телімі бойынша шекара өкілі үшін (келу орны - Атырау қаласы) - Каспий теңізіндегі мемлекеттік шекараның құрғақ телімінің басталу нүктесінен Атырау облысының, Батыс Қазақстан облысының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Орал телімі бойынша шекара өкілі үшін (орналасқан жері - Орал қаласы) - Атырау облысының, Батыс Қазақстан облысының әкімшілік шекараларының және Қазақстан-Ресей мемлекеттік шекарасының түйісу нүктесінен Батыс Қазақстан облысының, Ақтөбе облысының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Ақтөбе телімі бойынша шекара өкілі үшін (орналасқан жері - Ақтөбе қаласы) - Батыс Қазақстан облысының, Ақтөбе облысының әкімшілік шекараларының және Қазақстан-Ресей мемлекеттік шекарасының түйісу нүктесінен Ақтөбе облысының, Қостанай облысының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Қостанай телімі бойынша шекара өкілі үшін (орналасқан жері - Қостанай қаласы) - Ақтөбе облысының, Қостанай облысының әкімшілік шекараларының және

Қазақстан-Ресей мемлекеттік шекарасының түйісу нүктесінен Қостанай облысының, Солтүстік Қазақстан облысының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Петропавл телімі бойынша шекара өкілі үшін (орналасқан жері - Петропавл қаласы) - Қостанай облысының, Солтүстік Қазақстан облысының әкімшілік шекараларының және Қазақстан-Ресей мемлекеттік шекарасының түйісу нүктесінен Солтүстік Қазақстан облысының, Павлодар облысының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Павлодар телімі бойынша шекара өкілі үшін (орналасқан жері - Павлодар қаласы) - Солтүстік Қазақстан облысының, Павлодар облысының әкімшілік шекараларының және Қазақстан-Ресей мемлекеттік шекарасының түйісу нүктесінен Павлодар облысының, Шығыс Қазақстан облысының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Шығыс телімі бойынша шекара өкілі үшін (орналасқан жері - Өскемен қаласы) - Павлодар облысының, Шығыс Қазақстан облысының әкімшілік шекараларының және Қазақстан-Ресей мемлекеттік шекарасының түйісу нүктесінен Қазақстан Республикасы, Ресей Федерациясы және Қытай Халық Республикасы мемлекеттік шекараларының түйісу нүктесіне дейін;

Ресей Федерациясы тарапынан:

Астрахан телімі бойынша шекара өкілі үшін (орналасқан жері - Астрахан қаласы) - Қазақстан Республикасы мен Ресей федерациясының аумақтық теңізінің сыртқы шегімен Қазақстан Республикасы мен Ресей Федерациясының Каспий теңізіндегі аумақтық теңізін шектеудің қиылысу сызығының нүктесінен Каспий теңізіндегі мемлекеттік шекараның құрғақ телімінің басталу нүктесіне дейін, әрі қарай Астрахан облысының, Волгоград облысының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Волгоград телімі бойынша шекара өкілі үшін (орналасқан жері - Волжский қаласы) - Астрахан облысының, Волгоград облысының әкімшілік шекараларының және Қазақстан-Ресей мемлекеттік шекарасының түйісу нүктесінен Волгоград облысының, Саратов облысының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Саратов телімі бойынша шекара өкілі үшін (орналасқан жері - Саратов қаласы) - Волгоград облысының, Саратов облысының әкімшілік шекараларының және Қазақстан-Ресей мемлекеттік шекарасының түйісу нүктесінен Самара облысының, Орынбор облысының әкімшілік шекараларының және Қазақстан-Ресей мемлекеттік шекарасының түйісу нүктесінен Самара облысының, Орынбор облысының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Бузулук телімі бойынша шекара өкілі үшін (орналасқан жері - Бузулук қаласы) -

Самара облысының, Орынбор облысының әкімшілік шекараларының және Қазақстан-Ресей мемлекеттік шекарасының түйісу нүктесінен Орынбор облысы Илекск ауданының, Орынбор облысының Соль-Илецк ауданының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Орынбор телімі бойынша шекара өкілі үшін (орналасқан жері - Орынбор қаласы) - Орынбор облысы Илекск ауданының, Орынбор облысы Соль-Илецк ауданының әкімшілік шекараларының және Қазақстан-Ресей мемлекеттік шекарасының түйісу нүктесінен Орынбор облысы Гайск ауданының, Орынбор облысы Новотроицк ауданының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Орск телімі бойынша шекаралық өкіл үшін (орналасқан жері - Орск қаласы) - Орынбор облысы Гайск ауданының, Орынбор облысы Новотроицк ауданының әкімшілік шекараларының және Қазақстан-Ресей мемлекеттік шекарасының түйісу нүктесінен Орынбор облысының, Челябинск облысының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Магнитогорск телімі бойынша шекара өкілі үшін (орналасқан жері - Магнитогорск қаласы) - Орынбор облысының, Челябинск облысының әкімшілік шекараларының және Қазақстан-Ресей мемлекеттік шекарасының түйісу нүктесінен Челябинск облысы Варненск ауданының, Челябинск облысы Троицк ауданының әкімшілік шекараларының және Қазақстан-Ресей мемлекеттік шекарасының түйісу нүктесіне дейін ;

Челябинск телімі бойынша шекара өкілі үшін (орналасқан жері - Троицк қаласы) - Челябинск облысы Варненск ауданының, Челябинск облысы Троицк ауданының әкімшілік шекараларының және Қазақстан-Ресей мемлекеттік шекарасының түйісу нүктесінен Челябинск облысының, Курган облысының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Курган телімі бойынша шекара өкілі үшін (орналасқан жері - Курган қаласы) - Челябинск облысының, Курган облысының әкімшілік шекараларының және Қазақстан-Ресей мемлекеттік шекарасының түйісу нүктесінен Курган облысының, Тюмен облысының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Тюмен телімі бойынша шекара өкілі үшін (орналасқан жері - Ишим қаласы) - Курган облысының, Тюмен облысының әкімшілік шекараларының және Қазақстан-Ресей мемлекеттік шекарасының түйісу нүктесінен Тюмен облысының, Омбы облысының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Исилькуль телімі бойынша шекара өкілі үшін (орналасқан жері - Исилькуль қаласы) - Тюмен облысының, Омбы облысының әкімшілік шекараларының және Қазақстан-Ресей мемлекеттік шекарасының түйісу нүктесінен Омбы облысы Полтавск

ауданының, Омбы облысының Шарбақты көл ауданының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Омбы телімі бойынша шекара өкілі үшін (орналасқан жері - Омбы қаласы) - Омбы облысы Полтавск ауданының, Омбы облысы Шарбақты көл ауданының әкімшілік шекараларының және Қазақстан-Ресей мемлекеттік шекарасының түйісу нүктесінен Омбы облысының, Новосибирск облысының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Новосибирск телімі бойынша шекара өкілі үшін (орналасқан жері - Купино қаласы) - Омбы облысының, Новосибирск облысының әкімшілік шекараларының және Қазақстан-Ресей мемлекеттік шекарасының түйісу нүктесінен Новосибирск облысының, Алтай өлкесінің әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Барнаул телімі бойынша шекара өкілі үшін (орналасқан жері - Барнаул қаласы) - Новосибирск облысының, Алтай өлкесінің әкімшілік шекараларының және Қазақстан-Ресей мемлекеттік шекарасының түйісу нүктесінен Алтай өлкесінің, Алтай Республикасының әкімшілік шекараларының және Қазақстан-Ресей мемлекеттік шекарасының түйісу нүктесіне дейін;

Таулы-Алтай телімі бойынша шекара өкілі үшін (орналасқан жері - Акташ поселкесі) - Алтай өлкесінің, Алтай Республикасының әкімшілік шекараларының және Қазақстан-Ресей мемлекеттік шекарасының түйісу нүктесінен Қазақстан Республикасы, Ресей Федерациясы және Қытай Халық Республикасы мемлекеттік шекараларының түйісу нүктесіне дейін.

Қазақстан Республикасының Үкіметі
мен Ресей Федерациясының Үкіметі
арасындағы Шекара өкілдерінің
қызметі туралы келісімге

№ 2-қосымша

**Шекара өкілінің (шекара өкілі орынбасарының)
өкілеттігі**

Мұқаба - Мемлекеттік елтаңба және мемлекеттің атауы

1 - б е т - Ө к і л е т т і к

2 - б е т -

3-бет - Фотосурет, мөр, иесінің қолы

4-бет - 200_жылғы "___" _____ Қазақстан Республикасының
Үкіметі мен Ресей Федерациясының Үкіметі арасындағы Шекара
өкілдерінің қызметі туралы келісімнің негізінде

(атағы, тегі, аты, әкесінің аты)

Қазақстан-Ресей шекарасының _____

бойынша _____ шекара өкілі (шекаралық өкілінің
(мемлекеттің атауы)
орынбасары) болып тағайындалды.
(телімнің атауы)

аталған Келісімде көзделген міндеттерді орындау үшін уәкілеттенеді және осыған байланысты Қазақстан-Ресей шекарасынан өтуге және
(атағы , тегі)

(мемлекеттің атауы)
шекара жолағында болуға құқығы бар.

(өкілеттікке қол қоюға құқығы бар адам лауазымының атауы)

(атағы, тегі, қолы)

М ө р о р н ы
200_ жылғы " ___ " _____ қаласы.
5-бет - 4 беттің мәтіні _____ тілінде
6 - б е т -
7 - б е т -

8-бет -

Қазақстан Республикасының Үкіметі
мен Ресей Федерациясының Үкіметі
арасындағы Шекара өкілдерінің
қызметі туралы келісімге

№ 3-қосымша

Шекара өкілі көмекшісінің өкілеттігі

Мұқаба - Мемлекеттік елтаңба және мемлекеттің атауы

1 - б е т - Ө к і л е т т і к

2 - б е т -

3-бет - Фотосурет, мөр, иесінің қолы

4-бет - 200_жылғы " ___ " _____ Қазақстан Республикасының
Үкіметі мен Ресей Федерациясының Үкіметі арасындағы Шекара
өкілдерінің қызметі туралы келісімнің негізінде

(атағы, тегі, аты, әкесінің аты)

Қазақстан-Ресей шекарасының _____

(телімнің атауы)

бойынша _____

(мемлекеттің атауы)

шекара өкілінің көмекшісі болып тағайындалды.

(атағы, тегі)

аталған Келісімде көзделген міндеттерді орындау үшін уәкілеттенеді және осыған байланысты Қазақстан-Ресей шекарасынан өтуге және

(мемлекеттің атауы)

шекара жолағында болуға құқығы бар.

Ш Е К А Р А Ө К І Л І

(мемлекеттің атауы)

(атағы, тегі, қолы)

М ө р о р н ы

200_жылғы "___" _____
5-бет - 4 беттің мәтіні _____ тілінде
6 - б е т -
7 - б е т -

8-бет -

Қазақстан Республикасының Үкіметі
мен Ресей Федерациясының Үкіметі
арасындағы Шекара өкілдерінің
қызметі туралы келісімге

№ 4-қосымша

Хатшының және аудармашының куәлігі

Мұқаба - Мемлекеттік елтаңба және мемлекеттің атауы

1 - б е т - К у ә л і к

2 - б е т -

3-бет - Фотосурет, мөр, иесінің қолы

4-бет - 200_жылғы "___" _____ Қазақстан Республикасының
Үкіметі мен Ресей Федерациясының Үкіметі арасындағы Шекара
өкілдерінің қызметі туралы келісімнің негізінде

(атағы, тегі, аты, әкесінің аты)

Қазақстан-Ресей шекарасының _____

(телімнің атауы)

бойынша _____ шекара өкілінің

(мемлекеттің атауы)

(лауазымы)

болып тағайындалады және Қазақстан-Ресей шекарасынан өтуге және

(мемлекеттің атауы)

шекара жолағында болуға құқығы бар.

Ш Е К А Р А Ө К І Л І

(мемлекеттің атауы)

(атағы, тегі, қолы)

М ө р о р н ы

200_жылғы "___" _____
5-бет - 4 беттің мәтіні _____ тілінде
6 - б е т -
7 - б е т -

8-бет -

Қазақстан Республикасының Үкіметі
мен Ресей Федерациясының Үкіметі
арасындағы Шекара өкілдерінің
қызметі туралы келісімге

№ 5-қосымша

Шекараның екі жағына бір жолғы

өтуге арналған куәлік

1-бет - Қазақстан-Ресей шекарасынан бір жолғы өтуге арналған
к у ә л і к

2-бет - 200_жылғы "___" _____ Қазақстан Республикасының
Үкіметі мен Ресей Федерациясының Үкіметі арасындағы Шекара
өкілдерінің қызметі туралы келісімнің негізінде

(атағы, тегі, аты, әкесінің аты)

Қазақстан-Ресей шекарасының екі жағына да өтуге немесе
_____ шекара жолағында болуға құқығы бар.

(мемлекеттің атауы)

Иесінің жеке басын куәландыратын құжатты көрсеткен кезде жарамды.

200_жылғы "___" _____ бастап
200_жылғы "___" _____ жарамды.

Ш Е К А Р А Ө К І Л І

(мемлекеттің атауы)

(атағы, тегі, қолы)

М ө р о р н ы

200_жылғы "___" _____
3-бет - 2 беттің мәтіні _____ тілінде

4-бет -

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК